

庚甲須知

庚甲申明命功入手處庚者金也虎也甲者木也龍也二義已詳乾集庚金爲修煉之本甲木常畏其尅而尅中反有生機煉丹家最喜死中求活故庚虎旣降甲龍卽興一降一興生殺之機已伏顛倒之理彌真於此生殺顛倒之時用法斬龍之頭牽虎之尾使龍不興雲虎不招風風雲息而天清月皎龍虎降而性合情投歸爐起煉立結黍珠保命之法莫妙於此知字有潛心守視之意風欲來急須擒虎兩將降乃可斬龍不先不後及時斬取方可煅煉

學庸詳說易理宜參

道藏輯要

三寶心證

堯

壁集四

不明理又無以學道也從聖學參入方不落空於學庸下得轉語斯爲見道至如丹道統於易中彖曰至哉坤元萬物資生坤屬老陰陰極陽生順承乎天則生人生物順承乎已則成道成真細究坤之真陽發於何處卽知吾身真一產於何方求得此一固得此一命寶乃全此求在吾者不得向外覓取故曰宜參

性宗須徹性命雙修陰陽相接

性功爲入道之始終於性不徹此寶未能常住必如秋月澂潭纖塵不染無始之始旣已了然不空之空咸歸自在斯性命雙修陰陽相接矣